

顯蔭譯述

真言宗義章

佛學書局發行

世界佛教居士林出版圖書目錄

民國十八年七月訂

世界佛教居士林林刊每冊二角	龍舒淨土文	一角	一代守本尊像	三分
世界新文化之標準 二角五分	初機淨業指南	五分	近代往生傳	一角六分
世界教育示準 一角	阿彌陀經直解	一角	硃印心經印譜中堂	二角五分
佛法萬能中之科學化 五分	彌陀經分科略解	一角	到光明之路	五分
託爾斯泰與佛經 一角	西方啓信錄	一角	重排看破世界	五分
論佛書稿第一二三集 每冊一角	西歸捷要	三角	廣長舌	贈閱
佛敎人乘正法論 三分	戒淫拔苦集	一角	闡北新民	贈閱
佛學寓言 五分	了凡四訓	五分	開智道路	贈閱
百喻經淺說 五分	阿彌陀經	一角	佛說無常經	贈閱
唯識易簡 一角	朝暮課誦	二角	往生安樂土法門略說	贈閱
唯識三十論紀聞 一角	念誦集要	一角	戒殺放生集	贈閱
唯識方便談第一編 五分	念佛儀規	三分	放生殺生現報錄	贈閱
唯識方便談第二編 一角	佛七念誦儀規	三分	重刊聖師錄	贈閱
大乘起信論解惑 一角	淨土懺法儀軌	五分	慈護編	贈閱
八識規矩頌貫珠解 三分	大悲懺法儀軌	五分	金剛經解義	贈閱
大乘起信論指要 重編中	傳授幽冥戒儀規	三分	醒世千家詩	贈閱
楞嚴經指要 二角	傳授三皈儀規	三分	諸佛菩薩本願集	贈閱
釋迦牟尼佛略傳 一角	三時繫念	一角	蓮池大師隨筆分類彙編	一角半
佛敎初學課本註解 一角	放生儀規	三分	護生畫集	一角
真宗義章 一角	大日如來像	三分	▲注意	贈送書籍如蒙索閱須附郵票空函不復

眞言宗普通勤行法則

顯蔭

▲禮佛(普禮眞言)

唵。薩嚩怛他彙多。幡那滿娜曩。迦嚕弭。三禮每禮一遍

▲淨三業(蓮花合掌)

唵。娑嚩婆嚩秣馱。薩嚩達磨。娑嚩婆嚩秣度憾。三遍

▲懺悔文(以下金剛合掌)

我昔所造諸惡業。皆由無始貪嗔癡。從身語意之所生。一切我今皆懺悔。三遍

▲三歸依

弟子某名。歸依佛。歸依法。歸依僧。歸依佛。兩足尊。歸依法。離欲尊。歸依僧。衆中尊。歸依佛竟。歸依法竟。歸依僧竟。三遍


▲十善戒

眞言宗普通勤行法則

上海圖書館藏書



A541 212 0018 4544B



~~4621614~~

弟子^{某名}。不殺生。不偷盜。不邪淫。不妄言。不綺語。不兩舌。不惡口。不慳貪。不嗔恚。不愚癡。三遍

▲發菩提心真言

唵。菩提質多。母多波娜野弭。一遍

▲三昧耶戒真言

唵。三昧耶薩怛鑠。一遍

▲五大願

衆生無邊誓願度。福智無邊誓願集。法門無邊誓願覺。如來無邊誓願事。菩提無上誓願證。自他法界同利益。一遍

▲光明真言

唵。阿慕伽。廢魯者娜。摩訶畝陀羅。摩尼鉢頭麼。入縛攞。跋羅鞞譚野吽。二十一遍

▲大師寶號

南無大師遍照金剛 二十一遍

▲讀經

大方廣佛華嚴經淨行品 一卷 此外加誦淨土經咒佛號等隨意

▲回向

願以此功德普及於一切。我等與衆生皆共成佛道。

▲禮佛

真言如上 畢 以上法則日本方面有單行小本流通但和文之不適用者去之

(說明)

以上爲最普通最肝要最簡易之行法也。頗適於居士修行之例課。出家比丘亦適用之。至於真言宗特別加行之行法。須就阿闍梨而善學也。今此行法不限真言宗。餘宗亦適用之。

真言之讀音。依漢字未能全合。須就阿闍梨處。善學梵音爲要。

最初禮佛觀想恭對佛前。虔誠作禮。深祕義略如林刊十八道祕記。

次淨三業。誦此真言故。斷淨三業所犯罪惡。卽成清淨法器。

次懺悔文爲止惡之本。三歸依爲入道之基。

次十善戒爲一切善法之本。乃至爲無上菩提之本。口誦心惟。漸漸身體力行。自能獲現在當來二世之利益。故須日日誦之。勉之勉之。

次發菩提心。淨菩提心爲一切道業能生之本。（菩提心者。謂發上求佛道下化衆生之誓願。）修行而若不發心。如空有花而不結果。故須先有上求下化之決定要期。而後修行乃能精進而不退也。

次三昧耶戒者。平等佛戒也。無上菩提。以戒爲基。卽上之十善戒。攝盡一切戒也。

次五大願者。卽上求下化之決定要期也。普通說四宏誓願。今此但改「煩惱無盡誓願斷」句爲「福智無邊誓願集」。而又加如來無邊誓願事句。餘皆同。斷煩惱遮情也。集福智表德也。眞言宗義。卽事而眞。故就表德而言。又復應知。遮情處卽是表德。表德處卽是遮情。斷煩惱則福智自集。集福智則煩惱自去也。譬如言此人不惡（遮）此人甚好（表）不惡自必好。好卽不惡也。（遮表不異）然能直下承當。而就表德以修行。是捨劣取勝之道也。加「如來無邊誓願事」者。諸佛正徧知海。不離衆生心想中也。又自心卽佛事。自心之諸佛也。密意甚深。不克

一一染翰。

次光明眞言與大師寶號略如十八道祕記。茲不贅。

次讀經者。華嚴淨行品中。觸境逢緣。皆是表上求下化之菩提心。依之而修。則行住坐臥。語默動靜。一切時。一切處。無非佛行。實爲發心修行最妙之法門。勉之勉之。慎勿忽之。（日本方面用和讚。然和讚不適用於華土。故斟酌刪改之。）

其餘或修淨土功課者。可隨意行之。然修淨土者。亦必依上列之法。則而行之。乃能與淨業相應。而往生。確有把握也。修淨業者。其知之。又眞言中有無量壽軌行法。尤爲求生淨土最穩當。最有把握之祕妙法門。有志斯道者。須就阿闍梨而善學之。

在中華之佛教方面。出家比丘。雖有朝暮課誦。而三時勤行。則向無一定。而在家居士。則更無定準。故亟述最簡要之勤行法。則以爲發大心者。精修之軌。此法則之精要。具眼者自知之矣。

甲子初夏浴佛日金剛乘弟子顯蔭

眞言宗義章目次

一	眞言宗名章
二	眞言教主章
三	付法相承章
四	所依經論章
五	事教二相章
六	顯密對辯章
七	十種住心章
八	卽身成佛章
九	兩部曼荼章
十	入壇灌頂章
十一	機根不同章
十二	眞言安心章
十三	發菩提心章
十四	發心識體章
十五	歸依本尊章

十六	三密妙行章
十七	三力加持章
十八	十緣生句章
十九	斷三妄執章
二十	發趣階位章
二十一	往生淨土章
二十二	眞俗二諦章
二十三	鎮護國家章
二十四	四恩報答章
二十五	三時超過章
二十六	值遇密教章
二十七	護十善戒章
二十八	十善助行章
二十九	問答決疑章
三十	高祖恩德章

眞言宗義章

顯隆譯述

第一 眞言宗名章

眞言之宗名者。非比人師所立之宗名。乃教主法身大日如來。自於兩部大經中建立之。大日經云。「隨順衆生。如其種類。開示眞言教法。」金剛頂經云。「眞言陀羅尼宗者。是一切如來祕奧之教。自覺聖智。修證法門。」夫眞言云者。法身如來之語言也。此語言能顯諸法實相。如義眞實故也。此有種種異名。或名陀羅尼。或名明。或名神咒。或名密號。所以名「陀羅尼」者。陀羅尼。總持之義。一字一文。總攝無量之教法義理。任持無量之光明神通福德智慧故。彼世間之周易八卦。尙能含天地萬物治亂興廢之理。何況法身如來眞實之言音乎。故高祖大師（弘法大師）乃惠果大師之門人。爲日本眞言宗之祖。其於眞言宗之地位。猶天台宗之智者。華嚴宗之清涼。慈恩宗之窺基也。蓋眞言教綱。自弘法大師而集其大成。故尊稱之曰高祖大師。釋曰。一字含千理也。名次「明」者。眞言是如來智慧光明輪。炳現自體清淨圓明也。若念誦之。可以悉滅無明業障。而身心共得清淨圓明。故蘇婆呼童子經曰。「譬如室內。久來有闇。若將燈入。即便暗滅。以

念誦燈照罪障暗。悉得消滅。一次名「神咒」者。念誦之顯不思議之法驗。現身能得五神通。故欲界他化自在天。有自在悅滿意咒。天王一唱之。忽現微妙飲食衣服等。欲界天衆一時俱得快樂。又色界摩醯首羅天王。有勝意生咒。於一時應三千大千世界之衆生。各各所願。皆得滿足。彼世間神咒。僅依有漏之福力。猶能如此。况具一切智智。如來所說之神咒乎。不空三藏曰。一由此中真言文字三摩地相應威力。遍佈真言者身支分。變粗重身。易得微妙色身。獲五神通。威德自在。壽量無盡。一次名「密號」者。真言乃法身如來內證智之言說。除自眷屬之諸尊外。非餘因人所能測。故龍猛菩薩譬以軍之密號也。

凡顯教宗意。離有爲諸法。證無爲空理。於有爲法聲字言說。無非色法所攝。是假法中之假法。一向遠離。是未知法身如來所具平等三密之深旨故也。（此中云顯教。指二乘三乘而言。開顯圓頓之一乘。似不在此列。此義當另篇述之。）真言之宗名。於平等三密中。且就語密建立。是依聲字實相之深意。爲示一切法本不生之實義。當知法佛三密平等無礙。語密一法。卽是三密全體。真言密教所有之深義。於此宗名中。攝盡無餘。

第二 真言教主章

眞言密教之根本教主者。自性本地法身。摩訶毘盧遮那如來也。梵語「摩訶」此云「大」。梵語「毘盧遮那」。此云「光明遍照」。取義譯名大日如來。此如來色相莊嚴。第一微妙。迴超三界。他無能比。通身如淨月之光。遍體是摩尼之色。戴五佛之寶冠。纏綃縠之天衣。坐千葉之大寶蓮華王。從一一毛孔。放無量之光燄。遍照法界。凡一切衆生。觸此光明。無始以來。無明煩惱。一時消滅。無不離苦得樂。此如來常於祕密法界心殿。自受法樂。故與微塵數自眷屬。說自證之三密門。卽是極妙甚深性海。究竟果分之法門。是曰眞言密教。兩部祕藏。故金剛頂經云。「金剛遍照如來。以五智所成四種法身。於本有金剛界金剛心殿中。與自性所成眷屬。乃至微細法身。祕密心地。超過十地身語心金剛。」大日經云。「一時薄伽梵。住如來加持廣大金剛法界宮。一切持金剛者。皆悉集會。乃至越三時如來之日。加持故。身語意句平等法門。」如此境界。若離如來加持之力。則十地菩薩。尙非所測。二乘凡夫。誰得思議乎。爾時法身如來。以往昔大悲願故。而住自在神力。加持三昧。廣於十方世界。現他受用變化等流。無量無邊三種法身。應種種性欲。說種種法門。普利一切衆生。此中他受用身。具八萬四千之相好。變化身具三十二相等流身者。或爲菩薩形。或爲二乘形。乃至天龍八部等種之形。如此大悲業用。三世常恆。無有間斷。故金剛頂經云。

「常於三世不壞化身。利樂有情。無時暫息。」大日經云。「毘盧遮那一切身業。一切語業。一切意業。一切處。一切時。於有情界宣說真言道句法。」當知十方三世諸佛菩薩。悉是大日如來之所現。（法身體遍故）諸佛菩薩。各各有大悲誓願。如藥師如來十二上願。阿彌陀佛四十八願。釋迦如來五百大願。普賢菩薩十大願等。悉是大日如來無盡大誓願之一德。是故若歸命大日如來之本願。即是歸命十方三世諸佛菩薩之本願。覺鑲上人（即興教大師）釋此義曰。「一切佛菩薩誓願本誓。無非此大日誓願。故又能超彼諸願。」誠是我等一切衆生真實無上之所依。譬如草木依大地。渡海依船師。病苦依醫王。故大日經云。「我一切本初。號名世所依。說法無等比。本寂無有上。」

加之於顯教中。如楞伽經智度論等。往往明法佛色相說法勝妙之義。而顯教人師等。未知釋尊內證之本意。故其所謂法佛云者。唯無形無色之空理。不解法身如來無上最尊之功德。是偏入顯網執見之所致。真言行者。不可惑是等之說。是故疏主善無畏三藏判釋云。（大日經疏）「常途說法。或云法性。或云法身。寂靜如空。無所動作。都不說具足如是力用。以爲凡起神通。皆是有爲之心。三昧之力。而不言法體如是。此其未了也。」譯者敬按天台宗亦立法身說法。義如圓教。

究竟法身。於上品寂光土。轉無作四諦法輪。

第二 付法相承章

生身釋迦牟尼如來。一代之顯教。付法相承。溯自如來傳之於迦葉尊者。迦葉尊者傳之於阿難尊者。乃至西天第二十四祖師子比丘。被罽賓國主所殺。於是血脈相承。有斷絕之說。於一味之教法。漸生種種異見。流佈震旦而後。諍論益甚。各任己見。輒判教法。開立宗義。是自非他。異說紛然。摩所底止。

惟真言密教之付法相承則不然。自教主法身大毘盧遮那傳之自眷屬上首金剛薩埵。金剛薩埵持此法門。住南天竺鐵塔。潛待流傳之時機。於釋迦如來入滅後八百年頃。有一大士。名龍猛菩薩。其初廣遊天上龍宮。窮法華華嚴等所有顯教。流佈人間。遂乃開此鐵塔。金剛薩埵親授灌頂。於是得受祕密真言最上乘教。後龍猛菩薩傳之龍智菩薩。龍智菩薩傳之金剛智三藏。金剛智三藏傳之不空三藏。不空三藏傳之大唐青龍寺惠果和尚。惠果和尚傳之弘法大師。如此八代之祖師。嫡嫡相承。譬如國璽寶印之帝帝相付也。弘法大師拔砥竭源。卽是大日如來之肝心。金剛薩埵之腦膽也。大師護持真言密教之根本正統。師資相授。至今千餘年。法流澎湃。道統常

新。是則法身如來如持力之所致也。

第四 所依經論章

吾宗者以四種法身所說之兩部雜部一切眞言經。及八祖撰述之數百部論疏。總爲所依之經論也。法身大日如來。自內證之說。是曰大日經金剛頂經。此兩部大經者。一切如來之祕藏。一切教法之根源也。故大乘同性經中。釋尊歎曰。「所有聲聞法。緣覺法。菩薩法。諸佛法。如是一切諸法。皆悉流入毘盧遮那智藏大海。」善無畏三藏釋云。「此經者。一切如來祕要之藏。於大乘衆教。威德特尊。猶如千目爲釋天主。」而此兩部大經。大凡有四種經本。第一曰法爾常恆本。乃大日如來三世常恆之說。無始無終。其體者遍法界之曼荼羅也。第二曰無量頌之廣本。金剛薩埵受如來教勅。集彼法爾之本。倣諸經之例。安置五成就三段等。隨緣結集。有無量頌文。非人力之所堪讀誦。故祕藏於南天之鐵塔。未曾流佈於世間。第三曰二十萬頌之大本。龍猛菩薩入彼塔內。從薩埵誦傳兩部之廣本。依薩埵神力。取其精要各十萬頌。傳於世間。第四曰略本。因大本猶浩廣難持。龍猛菩薩更採其肝心。大日經則三千餘頌。金剛頂經則四千頌。如此四本。唯是法爾隨緣。廣略之不同。而所詮之理。則平等平等也。略本中四千頌之經者。唐玄宗皇帝開元十一年。

金剛智三藏奉勅於東都資聖寺所譯之金剛頂瑜伽中略出念誦經是三千頌之略本者開元十三年善無畏三藏奉勅於東都大福光寺所譯之大毘盧遮那成佛神變加持經是又金剛智不空善無畏等於二十萬頌大本中拔萃翻傳種種經軌於是而眞言宗之行軌大備是等總名眞言密教兩部祕藏卽本宗根本所依之經典也。

雜部之眞言經者大日如來入加持三昧於十方世界現三種法身之所說也或爲欲知吉日良辰說宿曜經或爲願國土安寧說仁王經守護國界經如是等類要不離平等三密上現種種祕密方便是故論其宗體全與兩部大經無異譬以一味之黃金作鳥獸等種種形雖種種形而其體皆黃金也。

次八祖撰述之論疏中且示二三金剛頂瑜伽中發菩提心論一卷釋摩訶衍論十卷此中菩提心論詳示眞言行者發菩提心之相釋論判釋顯密之優劣淺深此二論於龍猛所造論中爲密藏肝心之論也又一行禪師之大毘盧遮那成佛經疏二十卷實廣釋之無上寶冊依是得窺大日經王之深旨也次於高祖大師御製作中十住心論十卷祕藏寶鑰三卷二教論二卷卽身成佛義一卷聲字實相義一卷吽字義一卷般若心經祕鍵一卷等皆肝要之寶典也此中十住心

論及寶鑰。建立十住心。爲真言行者示進趣之次第。兼判顯密之淺深。二教論專主顯密對辯而簡其優劣。卽身義聲字義卽字義三部。釋卽身成佛之理趣。及真言陀羅尼之法體。祕鍵者。就心經一部。示其幽旨。依是例知一切雜部真言經之幽旨也。如此祖師撰述。師資相承之深旨。與四種法身金口真說無異。欲知真言密教最上成佛之道者。須善學是等之經論。

第五 教相事相章

真言密教之法門。雖廣大甚深。總分之不出事相教相之二門。教相者。教理之分齊。事相者。修行之軌則也。教理之分齊有二。一顯密對辨門。二自宗不共門。顯密對辨者。於橫別二教之優劣。於豎判十住之淺深。密教無上真實之所由明也。自宗不共門者。或示兩部曼荼羅之法體。或釋三大圓融之妙理。或明斷惑證理之行相。種種名義。惟限自宗。非餘宗之所能及也。於兩部大經者。依阿字訶字等字門真實義。如此說兩邊之教理。故大疏云阿字門等是真言教相。

其次事相言修行之軌則者。凡分四種。一息災。二增益。三降伏。四敬愛是也。第一息災者。除世間之不祥災難病氣等。乃至滅自他罪障之方法也。第二增益者。除貧苦。延壽命。乃至於一身集出世間福智萬德之法也。第三降伏者。退治佛法國家之怨敵。令捨邪入正。乃至速伏心中無明煩惱。

惱之法也。第四愛敬者。受萬人之愛敬。得親疎之歸依。乃至爲自他而生無礙平等之大悲心也。此曰四祕法。其行法者。所謂擇曜宿。築壇爐。畫曼荼羅。辦供具。結印契。唱真言。入三摩地等。如是等事相。外見似甚淺近。因而初心行者。每致動疑。以爲身之支節屈申。猶如戲弄。口誦梵文。莫明所以。或灑水。或焚薪。是果何益乎。如來何故說是法乎。殊不知是等事相。皆內證法界之表示。備廣大無邊之理趣。非凡慮所能測。唯能敬信真修者。自得其妙趣耳。大疏云。此宗入法門時。意尤淺近難識。乃至又此行者。於此衆緣事相。皆以諦信行之。由是觀之。教相之要。明卽身成佛之理趣。事相之要。示卽身成佛之方軌。不曉理趣。則觀心難生。不辨方軌。則修行難成。是故真言行者。須學教相以開智目。習事相而練行足。以期成佛之大果。

第六 顯密對辯章

凡於真言密教。發起信心。第一當知顯密二教之差別淺深。成佛之遲速勝劣。具堅固不拔之信根。期二世（現在當來）莫大之利益。高祖大師於立教開宗之初。造祕藏寶鑰二教論等。橫豎詳判顯密二教。有重重義門。今大略言之。佛有法報應三身不同。所說之法。因有顯密之別。應身佛爲地前菩薩。及二乘凡夫等說三乘教法。他受用報身佛爲地上菩薩說一乘教。此二乃隨機

方便說顯略權淺之法門。故曰顯教。法身佛爲自受法樂故。共從心流出之自眷屬聖衆。說各各三密平等之法門。離方便假說。純說法性真實之義。此祕密深奧之法門。等覺十地。不能見聞。故曰密教。佛三身中。法身佛最極最尊。報身應身。垂跡示現。可知法身自證之眞言密教。爲無上最尊之法門也。是故六波羅蜜經第一卷云。一十方三世諸佛。所說一切教法。惟經律論般若陀羅尼。五藏攝盡。第五陀羅尼藏契經等中。最爲第一。高祖大師依大日經建立十住心。前九種住心顯教攝。轉深轉妙。皆是因分之說。第十住心眞言密教法身極果說。示祕密金剛最勝之法也。又彼顯教中修行經三大無數之劫。眞言密教之行者。依如來加持之威德力故。一念一時一生。便得卽身成佛。顯教以羊鹿牛車。進行不易。密教以神通寶輅。故速達寶所。是名頓覺成佛神通乘也。金剛頂經云。一修此三昧者。現證佛菩提。一菩提心論云。一惟眞言法中。卽身成佛。一佛語祖訓。如此分明。夫復何疑。

加之顯教皆隨他方便之權教。惟密教爲究竟眞實成佛之大教。是故守護國界經云。一爾時釋迦牟尼佛言。祕密主。我於無量無數劫中。修集如是波羅密多。至最後身。六年苦行。未得阿耨多羅三藐三菩提。成大毘盧遮那。坐道場時。無量化佛。猶如油麻。遍滿虛空。諸佛同聲。而告我言。善

男子諦聽。汝今應於鼻端想月輪。於月輪中作唵字觀。作是觀已。於後夜分。得成阿耨多羅三藐三菩提。十方世界。恆沙諸佛。不於月輪作唵字觀。得成佛者。無有是處。」高祖大師云。「十方三世。一切如來。皆從此門而成佛。餘教說成佛者。並是方便引攝之言耳。非究竟實談也。」

又六波羅密經云。「或復有情。造諸惡業。四重八重五無間罪。謗方等經。一闡提等。種種重罪。使得消滅。速疾解脫。頓悟涅槃。而爲彼說陀羅尼藏。」尤見真言三密滅罪除障之偉力。真言法門。無上最勝。諸有智者。諦信諦信。譯者敬按。於無差別之差別中。說顯教劣。密教勝。若悟祕祕中之極祕義者。一切法門。皆真言也。一味平等。體無彼此。是爲差別中之無差別義。當知無差而差。差卽無差。是法平等。無有高下也。觀於釋尊成佛。先假三大劫之方便行。最後以月輪唵字之真實觀。若方便。若真實。皆成佛之妙行。是則顯密之不可偏廢也。然顯爲方便。密爲真實。淺深高下。尤不可不知也。

第七 十種住心章

十住心者。高祖大師依大日經菩提心論等建立。凡顯密佛法之淺深。淨菩提心之轉昇。祕密曼陀羅之妙旨。皆於此中含攝無餘。今略示其要。十住心論及祕藏寶鑰。詳明義旨。真言行者。必當

精究之。

第一異生羝羊心。唯惡無善。理具位。

第二愚童持齋心。行五戒十善之位。

第三嬰童無畏心。行六行四觀之位。

第四唯蘊無我心。觀生滅四諦之位。

第五拔業因種心。觀十二因緣之位。

第六他緣大乘心。觀三界唯心之位。法相宗。彌勒菩薩所說爲主。（唯識）

第七覺心不生心。觀八不中道之位。三論宗。文殊菩薩所說爲主。（般若）

第八一道無爲心。觀一念三千之位。天台宗。卽法身之應身佛說。（法華）

第九極無自性心。觀事事無礙之位。華嚴宗。卽法身之報身佛說。（華嚴）

第十祕密莊嚴心。卽身成佛之極位。真言宗。法身佛究竟真實說。（大日）

以上十住心。初二三爲世間法門。第四以下爲出世間之教法。四五二心爲小乘教。第六以下爲大乘教。六七二心爲菩薩乘。第八以下爲佛乘。八九二心爲權佛乘。第十住心爲究竟佛乘。前九

住心顯教分齊。第十住心。眞言密教。十住心雖含多義。採要而論。不出三重義門。所謂約顯密合論之十住心。約眞言菩提心轉昇之十住心。約祕密曼陀羅之十住心。第一約顯密合論者。依世出世一切教法之淺深次第而建立。示前前淺權。後後深實。所以判釋九顯一密之淺深優劣。而明眞言密教爲一切教法之王。最極最尊之法門也。次約眞言行者菩提心之轉昇者。翻邪（第一住心）歸正（第二下）由外（二三住世間）而內（四以下出世）轉小（四五住）向大（六以下）從顯（前九）入密（第十住心）淨心顯現之次第也。第三約祕密曼陀羅者。十住心卽十法界實相。皆法身如來無上果德之所顯現也。是故大日經攝爲五種三味道。示各本有之三密。若能與之相應者。皆能得一生成佛之益。平等平等。而更無淺深之別也。所謂五種三味道者。第一世間三味道（一二三住）第二聲聞三味道（四住）第三緣覺三味道（五住）第四菩薩三味道（六七八九）第五佛地三味道。第十住心是也。

初約顯密合論。次約道心轉昇者。俱爲背暗向明上求門之次第。而豎論差別。第三重約祕密曼荼羅義者。十住心各各當體。卽法界萬德輪圓妙果。此是橫論無差別。是故論云。一若豎論。則乘乘差別。深橫觀。則智智平等一味也。眞言行者。須依此十住心之法門。先當了知法門之淺深。

而於真言密教。信心決定。次則實修實行。以期得平等之大果。此十住心者。顯密二教之差別在是。眞言行者。住心次第在是。祕密曼陀羅平等平等之妙旨亦在是。解了平等中之差別義。與差別中之平等義者。方爲如實知自心。方可與談十住心。

第八 卽身成佛章

大乘佛法。雖有權實顯密之別。其大宗。無非以成就無上菩提爲歸趣。然成佛之道。各隨所宗。又有遲速勝劣。重重不同。三乘教者。立遠劫作佛之旨。一乘教雖盛談眞如緣起融通無礙之理。立頓成之旨。然尋其實義。圓融門唯約理談之邊。就實修門。亦必三劫成佛。是故約乘雖有三乘一乘之不同。而行六度萬行。至三劫成佛則一也。馬鳴菩薩起信論總示顯教成佛之時分。一切菩薩皆經三大阿僧祇劫。唯我眞言密教。專談卽身成佛之旨。卽身成佛云者。僅依一念一時一生之修行。具足無量之福智。轉凡夫有漏之肉身。成大日法身無上之果德也。大日經云。「眞言門修行菩薩。行諸菩薩。無量無數百千俱胝那庾多劫。積集無量功德智慧。具修諸行。無量智慧方便。皆悉成就。」大妙金剛經云。「不轉肉身。得無漏果。」兩部大經。初中後說。此卽身成佛之理趣。是實自宗不共之深旨。高祖大師卽身成佛義中。廣示此旨。建立二頌八句之文。兩部大經之

與義八祖相承之深旨。悉該攝其中。會此頌文。便知卽身成佛之理趣。今聊示大意。欲知詳委。須閱高祖大師卽身成佛義。頌曰。

「六大無礙常瑜伽。四種曼荼各不離。三密加持速疾顯。重重帝網名卽身。」（此頌卽身義）「法然具足薩婆若。心王心數過塵刹。各具五智無際智。圓鏡力故實覺智。」（此頌成佛義）初頌第一句體。第二句相。第三句用。第四句示無礙也。後頌中第一句舉法佛之成佛。第二句表無數。第三句顯輪圓。第四句出所由。初頌依體相用三大圓融之理。所以示衆生身卽是佛身。次頌開發一心本具之佛智。以明成佛之境也。

六大無礙常瑜伽者。六大地水火風空識是也。此六大遍爲生佛之法體。本來不生不滅。周遍法界。十法界情與無情。悉從此緣起。故云法界之體大也。諸法之全體卽六大。六大之全體卽諸法。要而言之。六大卽色心一如之法體。其體性一味平等。衆生身佛身相應涉入。故曰無礙常瑜伽也。

四種曼荼各不離者。六大所成十界萬法之相大也。曼荼羅輪圓具足之義。從六大法身緣起之諸法。事事物物。圓滿具足法身如來之萬德莊嚴也。曼荼類別有四。一大曼荼羅。彩畫佛菩薩之

相好形像是。二、三昧耶曼荼羅者。諸尊所持之金剛蓮華刀劍輪寶及種種印契等。三、法曼荼羅者。一、佛菩薩諸尊之種子眞言是。四、羯磨曼陀羅者。諸尊之坐立喜怒種種威儀事業之相也。四曼之量。各無邊際。一卽具四。四不離一。故法界一切有情。卽大曼荼羅也。器世間卽三昧曼荼也。一切文字。卽法曼荼羅也。一切動作。卽羯磨曼荼羅也。是則佛界之四曼。卽具衆生界之四曼。衆生界之四曼。卽具佛界之四曼。一多相卽舉一全收。故云各不離也。

三密加持速疾顯者。相大所具之身口意三密。卽法界之用大也。法身如來之三密。微妙幽深。等覺大士不能知。故稱密。衆生身口意業用。卽法身如來之平等三密也。但衆生自迷不知耳。法界體性。無礙融通。故我等一旦發心歸命法身如來。依眞言門三昧之觀行。如實修行。便得法佛三密之加持。卽凡身而顯現本有之三身。金剛頂經云。三密金剛以爲增上緣。能證毘盧遮那三身果位。」

重重帝網名卽身者。體相用之三大。衆生身卽佛身。佛身卽衆生身。相卽自在。譬如帝網重重。互攝互融。無盡無礙也。

次一頌法然具足薩婆若者。薩婆若。此云一切智智。顯教以無分別智能緣萬境爲一切智智。密

教云者。五智。三十七智。百八智。乃至五億俱胝十佛刹微塵數智慧。色心一如之體。卽五佛三十七尊。百八尊。乃至不可說不可說微塵數諸尊也。一切衆生。法然具足如此曼荼羅。蓮華三昧經云。「歸命本覺心法身。常住妙法心蓮臺。本來莊嚴三身德。三十七尊住心城。普門塵數諸三昧。遠離因果法然具。無邊德海本圓滿。」

心數心王過塵刹。各具五智無際智者。一切智智。各具一切智智。無盡無際也。

圓鏡力故實覺智者。若人修行。離無始之無明。證本有之佛智。於生死涅槃。得大自在。大神通力。所爲妙業。隨意成就。而此佛智。高懸法界之頂。寂然常照。諸法實相。了了分明。譬如高臺明鏡中。現一切色像。實覺智者。真實妙覺極果之智也。

由是當知。卽身成佛。有三重次第。凡夫當體具無盡之佛德。是乃本有位。理具之卽身成佛也。次發心修行。依加持力故。念念離無明而顯現本有之佛德。是乃修行位。加持之卽身成佛也。修行成就。本有之福智莊嚴。全體現前。是乃極果位。顯得之卽身成佛也。始終因果。皆不出卽身成佛。是卽凡聖不二之實義也。高祖大師曰。旣知狂醉在三界之獄。熟眠於六道之藪。何不驅神通之車。速歸本覺莊嚴之牀。

第九 兩部曼荼章

胎藏金剛兩部曼荼羅者。諸佛理智之體性。衆生色心之實相也。大日如來究竟覺知自心之源底。現金剛界曼荼羅。如實證悟自身之數量。現胎藏界曼荼羅。是即祕密莊嚴住心之境界也。兩部大經中。廣示此曼荼羅之實義。善無畏三藏釋曰。佛從平等心地開發無量莊嚴大曼荼羅已。還用開發衆生平等心地無盡莊嚴大曼荼羅。密藏深玄。翰墨難載。更假圖畫。開示未悟。取其至要。略圖十界輪圓之相。是曰八祖相傳現圖之曼荼羅。

圖會九界剛金

西

四 五	一 四	理 三
印	印	趣
會 五	會 六	會 七
六	九	二
供	羯	降三世羯磨會
養	磨	會
會 四	會 一	八
微	三	降三世三昧耶會
七	八	會
細	味	耶
會 三	會 二	會 九

北

東


南

以上爲金剛界九會之曼荼羅。九會中各各於右之上方。左之下方。配置數字者。右上之一二三。四次第。乃眞言行者斷惑證理從因至果之次第也。左下之一二三四等者。法身如來從果向因之次第也。先就佛邊說之。第一羯磨會（據左下之數字轉之）在中央。爲三十七尊色相莊嚴之曼荼羅。是卽大日如來所具之大曼荼羅。此處卽同時具三昧法羯磨之三種曼荼羅。如次開第二三昧耶會。第三微細會。第四供養會。以上四會。示四曼之別德。第五四印會者。示四曼各不相離之義。故安置四曼於一處。第六一印會者。四曼聖衆。皆爲六大一實之本源。住獨一法身之三昧也。以上六會。從麤入細。從別歸同之次第也。第七理趣會者。大日如來爲大悲化他。入金剛薩埵之三摩地。演說正法也。第八降三世羯磨會者。爲降伏剛強難化之自在天。更入降三世明王忿怒之三摩地。此中先現明王身也。第九降三世三昧耶會者。次於明王之三昧耶形弓箭等。表大悲本誓周徧法界也。以上九會。攝大日所具之自性輪身（端嚴寂靜之佛相）正法輪身（柔和慈悲之菩薩相）教令輪身（怒忿可畏之明王相）之三德。此三身輪者。譬如皇帝大臣將軍然。於中前六會是自性輪身。第七會是正法輪身。八九會是教令輪身。此三輪身攝法佛萬德盡。

次就行者邊明者。凡眞言行者。欲得無上菩提。當先住降三世明王之三昧。斷根本無明。悟不生之妙理。故經第一降三世三昧耶會。第降三世羯磨會。既斷無明。生大歡喜。入第三理趣會。自證既圓。登覺王位。入第四一印會。次從大日一身。出現四佛圓滿五智。入第五四印會。次從四印現三十七尊。所現諸尊。皆入供養三昧。互受法樂。故入第六供養會。次於供養式。皆住微細定。是曰第七微細會。次於法曼荼羅變三昧耶形。表內證本誓。是曰第八三昧耶會。次於三形轉而爲萬德莊嚴之圓滿佛身。是曰第九羯磨會。九會曼荼羅兩重次第。總列如下。

如來大悲化他邊。從果向因次第者。第一羯磨會。第二三昧耶會。第三微細會。第四供養會。第五四印會。第六一印會。第七理趣會。第八降三世羯磨會。第九位降三世三昧耶會。行者斷惑證理邊。從因向果次第者。第一降三世三昧耶會。第二降三世羯磨會。第三理趣會。第四一印會。第五四印會。第六供養會。第七微細會。第八三昧耶會。第九羯磨會。以上金剛界九會竟。次明胎藏界十三大院曼荼羅。

羅荼曼界藏胎



上爲胎藏界十三大院之曼荼羅。此中中央位中台八葉院者。大日如來於中台。東方寶幢。南方開敷華王。西方阿彌陀。北方天鼓雷音。四佛分於四方。東南方普賢。西南方文殊。西北方觀音。東北方彌勒。四菩薩住於四隅。四佛四菩薩者。表大日四智四行之德。此中台八葉九尊者。一毗盧遮那之全體也。故此一院。爲胎藏曼荼羅之根本總體。圍繞前後左右之十二院者。總體所具之

差別智印也。中台之東位遍知院者。表降魔之德。其北位觀音院地藏院者。表大悲之德。其南位金剛手院除蓋障院者。表大智之德。其西位持明院者。表折攝二德。遍知院東位釋迦院者。表從本垂跡等化衆生之德。次位文殊院及持明院外位虛空藏院者。表福智二嚴之德。虛空藏院之西位蘇悉地院者。表自他二利成就之德。最外四方之外金剛部院者。表隨類應化之德。以上合爲十二院。加四大護院。胎藏曼荼羅。亦有從果尚因。從因至果。及三輪身之義。準上可知。

上來別說兩部曼荼羅建立大綱竟。次總說者。金剛界五部曼荼羅。胎藏界三部曼陀羅也。三部者。佛部。蓮華部。金剛部也。五部者。從佛部開出寶部。羯磨部也。金剛界五部宗五智。胎藏界三部主三密。金剛界諸尊。悉住月中之蓮。表智中有理。而心卽色之義也。胎藏界諸尊。悉住蓮中之月。表理中具智而色卽心之義也。如是理蓮智月。各各內外不同者。卽六大一實兩部不二之深旨也。總計尊數。金剛界一千四百六十一尊。胎藏界四百十四尊。是則舉其上首。兼於無量之眷屬也。若夫此金剛智。胎藏理。卽理卽智。理智不二。一一深祕之談。誠難遭難遇之法門。真言密教之根本。欲知其詳。須親近阿闍黎而善學焉。

第十 入壇灌頂章

凡欲修學眞言法門。必須求阿闍黎指示。欲求阿闍黎指示。先須隨行三摩耶之法。則若違越之。其罪較四重五逆尤甚。師資於現世罹種種殃。未來必墮阿鼻地獄。故金剛頂經云。「此毘盧遮那三摩地法。向未灌頂者。不必說一字。若本尊儀軌尊言。縱令雖同法行者。不得輒說。若說者。現前中天招殃。後墮無間獄。」又瞿醯經云。「若有愚人。不入曼荼羅。持誦眞言。雖滿篇數。終不成就。復起邪見。彼人命終。墮於地獄。若有人與彼眞言法者。彼亦墮三摩耶戒。命終之後。墮於嚙羅婆獄。」法身如來之嚴誡如此。可不戒哉。

所謂三摩耶者。入壇灌頂之大事也。是卽佛佛道同之軌則。顯密佛法之極意也。若依此法。決定成佛。故顯教中。於楞伽經華嚴經等。說菩薩滿足三祇之修行。證第十地。必先蒙佛灌頂。於此始紹佛果之職位。但顯教中止稱歎灌頂之功德。至其法體。深祕之而不說也。惟我宗法身如來兩部大經中。詳說其法體。又直授於我等凡夫。以給頓入之方便。是故入壇灌頂之大事者。唯眞言密教之所傳也。按西天之風儀。輪王之太子。始卽太子位時。須行灌頂之儀。眞言密教之灌頂。顯卽事而眞之深旨。依此爲紹法王大位之儀。是故於寶瓶澆神力加持之智水。敷法界曼荼羅之大圖。嚴自在神通之師子寶座。佛子登之。大阿闍黎入法身如來之三摩地。執彼寶瓶。灌佛子頭。

頂洗無明之垢穢。顯本有之理智。說法王之遺訓。授法王之印璽。紹法王之職位。當此之時。三界魔宮。一時震動。天龍八部。恭敬侍衛。十方諸佛。證明知見。甚深之行儀。較輪王灌頂。尤爲嚴重。約事言之。凡三種灌頂。曰結緣。曰受明。曰傳法。是也。初結緣灌頂者。無論道俗貴賤。平等引入之。授一印一明。結曼荼羅值遇之因緣。金剛頂經中。說其利益曰。於此大壇場應入者。不應簡擇。是器非器。所以者何。或有衆生。造大罪者。是等見此金剛界大壇場。已及有入者。一切罪障。皆得遠離。次受明灌頂者。又名學法灌頂。又名許可灌頂。是雖亦通於道俗。而惟擇持戒清淨。信心堅固之機引入之。授以具修三密之法則也。次傳法灌頂者。於出家弟子中。擇上根勝慧。又能精熟諸尊三密之人引入之。授以兩部最極之大事。紹傳燈阿闍黎之職位也。如此三種灌頂者。於其儀式。一往雖似有廣略淺深。尋其實義。三種皆超過十地之大法。從凡入聖之妙術。無從得淺深之別也。故惠果和尚曰。一尊一契。證道之路徑。一字一句。入佛之父母。勉之勉之。

吾宗所傳入傳灌頂之法。溯其淵源。法身大毘盧遮那如來。在自性法界宮。始授於金剛薩埵。次金剛薩埵。在南天鐵塔。授於龍猛。自是八祖嫡嫡相承。直至今日。師資相傳。流風餘韻。千載常昭。我等現從阿闍黎所受灌頂。與法身如來始授金剛薩埵之灌頂。等無有異也。往昔龍猛龍智在


世時。西天盛行斯道。金剛智大廣智三藏等始至唐土。高樹真言之法幢。玄宗肅宗代宗三朝天子相繼入壇。受灌頂法。於宮中建神龍精舍灌頂院等。並勅國內處處設此道場。是故上自公卿百官。下至庶民萬姓。渴仰尊重。競沐法雨。日本於大同年中。大師歸朝後。大興斯道。弘仁十三年。平城太上天皇。師大師而入壇。歷代皇室之金枝玉葉。入壇受灌頂者踵相接。大師之上足弟子。實慧大德。奉大師遺命。於承和十年十一月上奏。受勅於東大寺開春秋二季結緣灌頂之恆例。廣行至今。入壇灌頂之事。古今來靈驗甚多。不克具述。我等仰大日如來平等大悲願力。已灌頂者。當倍增信心。未灌頂者。速願入壇。以期獲當現二世之大利益也。佛法難聞。此最尊最勝之灌頂法門。尤爲難遭難遇。發成佛之大菩提心者。其知之哉。

第十一 機根不同章

真言之機根。分正機及結緣二類。正機云者。機教相應門之機根也。具修三密。一身成佛。是上根上智。正本宗所被之人也。結緣云者。教益甚深門之機根也。一見曼荼羅。舉手低頭。結成佛之緣。修一密二密。隔生成佛之人也。設雖具修三密。或爲疑惑。或爲輕慢。或爲懶怠。或支分不具足。不能一生成佛。是亦結緣機也。真言教法。雖有一門普門之差別。要皆三密平等。一生成佛之法門。

也。而皆通於在家出家者也。凡機根有正機結緣之不同者。因行者宿殖善根之厚薄而分。但我等未得神通。不知宿殖之如何。唯有於現在慶遇密教之勝緣。諦信決定。精進修行。總期達成佛之目的而後已。

又以顯密之關係。有兩種機。一曰直往機。二曰迂迴機。直往機者。即上正機結緣二類是。迂迴機者。從顯入密之機根也。直往正機之中。又有二種。一者發心即到之機也。二者修行成佛。此有三類。一頓機。依一念一時之修行。頓成佛果。二漸機。經六無畏之階級而一生成佛。三超機。超越六無畏之階級而即成佛果也。



第十二 真言安心章

略要念誦經云。「心常安住菩提所。」陀羅尼集經云。「安心定意。」念誦結護云。「是故智者。」

安心此門。祕密爲行。」大疏云。「當一向安心諦理。務使穿澈。」如是等佛說祖訓。教人安置內心。眞言行者。如何深信而安心乎。僞法身如來直說。凡聖不二之宗意。而安心不動耳。法身如來於大日經。建立三句法門。所謂菩提心爲因。大悲爲根。方便爲究竟。凡聖不二之宗意。悉此三句攝盡。攝廣就略。攝末歸本。則一切教義。不出此三句。廣而不亂。略而不漏。此則如來不思議力。法然加持之所爲也。是卽行者從因至果。從凡入聖之次第也。略明大旨如次。

初發菩提心爲因者。發心之要有四。一信心。深信凡聖不二卽身成佛之妙理也。二大悲心。自利利他。等與衆生。同成佛道也。三勝義心。揀擇法門。捨劣就勝。決以眞言門爲依止也。四大菩提心。發衆生無邊誓度。福智無邊誓願集。法門無邊誓願學。如來無邊誓願事。菩提無上誓願證之大菩提誓願。從始至終。無或暫忘。以此菩提心爲成佛之本種也。

次大悲爲根者。由菩提之心。修菩提之行。善根深種。不可搖拔也。大悲者。悲自悲他。悲自本具。與佛平等之三密。爲煩惱所蔽。悲他衆生不覺本具之妙體。而迷轉生死。因是之故。精勤修習。三密妙行。期速斷無明。速成正覺。自度度他。盡未來際也。

三方便爲究竟者。旣修最勝最尊之妙因。必證無上菩提之妙果。三密平等毘盧遮那之三身。究

竟證得成遍一切處之身。三業無礙。恆化度生也。真言行者。最初發心之時。信凡聖不二之理。修行之時。修凡聖不二之行。證果之時。證凡聖不二之體。從因至果。安心於凡聖不二之最妙法門。是則安心之大要也。

第十三 發菩提心章

凡欲成無上菩提。必先發菩提心。菩提心者。萬行之根本。成佛之正因也。大日經云。一菩提提心爲因。金剛頂經云。成佛正因。智慧根本。大疏云。此心猶如幢旗。是衆生行導之首。猶如種子。是萬德本。若能發此心。修行易成。佛道不遠。大事因緣。宜速發心。菩提心云者。白淨信心也。又名決定誓願。因確信凡聖不二之理。而決定上求佛道之誓願。信心是體。誓願爲用也。所謂信者。信自、信他、信法門。第一信自者。深信我等本來成佛。但以無始無明所覆。造種種業。受生死苦。若依如來教法。如說精修。必能頓證菩提。諦信決定。卽是隨順法身如來之所說。二者深信一切衆生。色心實相。常是毘盧體性。佛與衆生。平等平等。故可廣度衆生。皆成佛道。諦信決定。是卽隨順法身如來之所說。三者深信三密妙法之法門。乃法身內證之境界。等覺十地。不能見聞。我等以如來加持力。故得遇頓覺成佛神通乘。良由宿植善根。深自慶幸。如說修行。仰仗如來三密。

加持。故得無明忽明。於一念頃。成無上覺。諦信決定。是卽隨順法身如來之所說。如是諦信決定。自生誓願之心。自必修三密之妙行。證色心之實相。成無上之菩提而後已。虛空有盡。我願無窮。情與無情。皆成佛道。

第十四 發心識體章

既知發菩提心爲成佛之正因。次當知菩提心之識體。凡真言一家。於心識雖有重重建立。且依顯密總通之義言。不出八識。其中前五識緣現在五塵之境。惟是一念粗分別。無詳緣決定之細分別力。第七識者。不過六識之所依分位。正就其發業邊。惟六八二識。是故依六八二識而定發心之識體。是亦顯密總通之所談也。於中第六識緣諸法之因緣假相。一旦睡眠或悶絕。其業用乃有間斷。而第八識能照諸法之真體。常恆相續。三世一貫。真言教法。甚深微細。非六識知解之所及。故必依第八識微細分別之力。是以顯教有依第六識發心修行。而真言密教中。無論正權結緣。皆依第八識發心也。不空三藏曰。「夫修行者初發信心。以表菩提心卽大圓鏡智。訖哩娜野心。」又龍猛菩提心論曰。「真言行者之菩提心。無時暫忘。」是皆依第八識發心之誠證也。

第十五 歸依本尊章

若善男子善女人欲於現身得無上之悉地。具廣大之福智。而利益一切衆生。須入真言門。定所歸依之本尊。受其內證三密之法則。而後晝夜精修。常恆不退。久必成就本尊之悉地。得六神通。爲衆生導師。是故大日經云。「欲於此生入悉地。隨其所應思念之。親於尊所受明法。觀察相應作成就。」攝真實經云。「初夜後夜。入道場中。應當繫念於所歸本尊。依法觀行。現身必得廣大利益。無有等比。」而其定所歸本尊。必依兩部曼荼羅。其法先入受明灌頂之壇。蒙大日如來之祕密加持。臨曼荼羅時。阿闍黎執弟子手。於道場中。令散諸花。隨花落處。卽是本尊。卽念誦其部密語。是爲宿緣所感。感應道交。故速得成就也。曼荼羅諸尊。上自佛菩薩。乃至明王諸天。皆是大日如來一門別德之身。當知一門卽普門。故大疏云。若諸行人。慇勤修習。能令三業。同於本尊。從此一門。得入法界。卽是普入一切法門也。

第十六 三密妙行章

手結印契。口誦真言。心住本尊三昧。是謂三密妙行。如法精修。修行之法則。須阿闍黎處學習。頓開生佛一如之知見。不捨父母所生身。速證大覺之位。良由印契卽法身之身體。真言卽法身之言相。妙觀卽法身之心德。卽時行者有漏之三業。爲如來清淨三密之所加持。故本尊之三

密與行者之三密入我我入。無始之隔執自蕩。而頓成生佛如如之妙體。是卽甚深不思議之加持力所致也。但宿善拙者。一生或不能卽證。依於教益甚深之力故。二生三生內。必得成佛。其未成佛之間。永離三途八難。或生天上。或處人間。所生之處。恆受快樂。常得親善知識。聽受深法。不絕佛道之因緣。或暫往生他方淨土。蒙見佛聞法之益。（如往生淨土。親見彌陀。眞言行者。或以宿善淺而未能卽身成佛者。往生淨土。必有把握。世之修淨土者。欲決定往生西方。於眞言法門。其加意哉。）終必得成無上菩提。十方諸佛。皆依此法。得成道果。佛佛道同。更無異路也。若或修行多時。未蒙現益。其必功行未至。倍益精進。切勿生下劣退却之想。旣入寶山。必須得寶而後已。興教大師曰。「發何心者。必成就悉地。謂有深信者。能成就悉地。何謂深信。謂久久修行。雖不發驗。不生疑惑。不生退心。如此之人。必成就悉地。」

第十七 三力加持章

一切諸法。從因緣生。眞言行者。現身成就悉地。而廣二利之妙業者。三力不思議因緣相應之所致也。故大日經云。「以我功德力。如來加持力。及與法界力。周遍衆生界。」我功德力者。行者自修之三密妙行。是卽行如來事。便是佛之境界。故具廣大之功德也。如來加持力者。本尊大悲護

念之三密。從第一實際妙極之境。所生業用。故具殊勝之威力也。法界力者。諸法本有融通無礙之德。是卽六大法爾瑜伽之業用。故具難思之功力也。如是三力冥合相應。則能成就不思議業也。本尊大悲之明月。無始無終而遍於法界。六大無礙之虛空。亦無始無終而遍於法界。加以行者信水澄清。則三力具足。妙感妙應。一念之頃耳。蓋以行者精進之力。尤賴本尊加持之力。得以拂除障難。進趣菩提。行者三密。本尊三密。同一六大體性。無障無礙。故得入我我入。入我我入。爲真言最要之行法。是全法界之力也。譬如水清（我力）無障（法界力）則水不上昇。月不下降。而月影自現。（如來力）感應之妙。亦復如是。（水月空三緣不能缺。亦猶三力加持不可少也）

第十八 十緣生句章

三密之修行稍熟。或履水火。或昇虛空。種種未曾有之法驗現前時。此是世間有相之悉地。非無上真實之悉地也。真言行者。若遇此等法驗之時。不可生愛慢之執。當深修觀察十緣生句。云何爲十。謂如幻。焰。夢。影。乾闥婆城。響。水。月。泡。空。華。旋火輪。是也。真言行人。隨見聞觸知之境。心常遊此觀門。深觀緣生無性之理。勿爲一切利衰毀譽稱譏苦樂之境風所動。自得菩提心勢力。拂三

妄執開本有之萬德。菩提心論云。妄心若起。知而勿隨。妄若息時。心源空寂。萬德斯具。妙用無窮。

第十九 斷三妄執章


衆生色心。卽祕密莊嚴之寶藏。衆生不能如實覺知者。由無始以來。麤細極細之三種妄執所蔽。故第一麤妄執者。人執品之惑也。第二細妄執者。法執品之惑也。第三極細妄執者。無明品之惑也。眞言行者。達六大緣起之理。修三密瑜伽。卽時得生佛三密相應。不改三妄執之性。而開覺曼荼羅之功德莊嚴。若顯教修行。斷惑證理。譬如冶人以種種方便。消融礦石。然後成金。密教修行。不斷而斷。是曰功德斷。譬如神通之人。能使土木之類。卽體成金。然則顯密功行之勝劣。與夫斷證之難易。智者自知不待細辨矣。

第二十 發起階位章

凡眞言行者。發心趣入之相。總言之。不出三句五轉之法門。三句者。菩提心爲因。大悲爲根本。方便爲究竟。五轉者。因行證入方便是也。三句與五轉。唯開合之不同耳。今依經軌之說。示五轉之圖如左。


第一圖

(約本修義)



第二圖

(約修生義)



第一圖是中因發心。本修合論之五轉。第二圖東因發心。修生之五轉也。兩種五轉。示菩提心體用本末之德。同時不離。如此真言行者之發心次第。配五方五佛。從因至果。皆佛境界之深旨也。雖皆佛境界之所行。而於行者之觀解淺深。證理分滿邊。建立六無畏十地十六生之階級。行者須明此階級。以益益磨鍊淨菩提心。(六無畏、十地、十六大菩薩生、詳拙譯真言宗綱要)

第二十一 往生淨土章

大日如來之淨土者。或名金剛法界宮。或稱密嚴土。大日如來。如實證知自心之源底。住諸法理智之體性。故名金剛法界宮。此宮以三密無盡之萬德而莊嚴之。即身即土。故曰密嚴土。是即曼

荼羅之境界也。此境之廣。周遍法界。安養兜率等之淨土。皆在其中。莊嚴之相。微妙第一。眞言行者。最初入灌頂壇。蒙阿闍梨開示。深生淨信。此無漏種子。植第八識心田。成就如來五智之體。往生之業。正決定於此時。其後修三密之妙行。若上根上智之人。一生之間。三密相應。不轉父母所生身。便生密嚴淨土。（當處卽是淨土。）其次依一密二密修行。蒙如來加持力與教益甚深力。故命終之後。永離苦趣。或且生十方淨土。二生三生之間。必證密嚴淨土。（密嚴淨土者。佛果極位之所證。卽常寂光土也。往生十方淨土者。往生西方亦攝此中。）

第二十二 眞俗二諦章

現前有爲之境界。是爲俗諦。一如平等之眞理。是爲眞諦。俗諦之萬法。凡夫迷情視之。謂爲無常粗賤之法。如來聖見觀之。一一皆不生不滅。圓滿五智四身之德。一切衆生。色心實相。常是毗盧遮那平等智身。醫眼所視。百毒變藥。佛慧所照。衆生卽佛。就能住之人身言。凡身卽佛身。就所住之國土言。娑婆卽密嚴淨土也。淨土穢土。本非異處。凡夫迷故。認爲荆棘瓦礫之穢土。諸佛覺故。觸處是無盡莊嚴之寶土。眞言密教所談二諦不離卽事而眞之妙理。此理非天人所作。亦非諸佛所造。法然常恆。眞言行者。善體此旨。內住凡聖不二之安心。磨鍊佛知佛見。則一一三業。順佛

作業。故見聞覺知行住坐臥。皆是佛境界也。大疏云。『若行者能於無差別中解差別。義差別中解無差別。義當知是人通達二諦義。亦識眞言相也。』

第二十三 鎮護國家章

眞言一宗。於仁王經守護國界。佛母明王經等。特說摧滅七難。調和四時。鎮護國家。利濟蒼生之祕法。眞言先德。皆運用此祕法。以保國家之安全。民生之福利。我輩學者。須心佛祖之心。於禮佛念誦之際。祈念國利民福。乃至法界衆生。同得利益。方盡本分也。

第二十四 四恩報答章

顯密諸經。廣示報答四恩之旨。四恩者。一父母恩。二國主恩。三衆生恩。四三寶恩是也。父母之恩。昊天罔極。故淨飯王駕崩。釋尊屈無上大覺之尊位。親舉父棺。以示親恩深重也。第二國主恩者。我等得如法修行。皆賴國家政府維持治安。是國主之恩也。衆生恩者。我人之生活。攸賴衆生界之互助。且一切衆生。生生世世。互爲父母妻子。親友眷屬。故經云。一切男子是我父。一切女人是我母也。三寶恩者。佛法僧之三寶。依之爲脫苦之慈航。修行之導師。其恩最勝。不可言喻。眞言行者。對於現前之師僧。及授法之阿闍梨。尤當常作佛想。不惜身命。恭敬供養。眞言經軌。廣示此旨。

第二十五 三時超過章

眞言密教者。法身如來。住三世常恆之圓明。而說法爾常恆之教體。故不更論正像末三時之別。如法華云。常住靈鷲山。况眞言宗尤屬三世常恆之教法。故相應經云。「若末法世人。長誦此眞言。刀兵不能害。水火不禁漂。蓮華金剛手。翼從而侍衛。若誦一百八。能滅百劫罪。若誦一千遍。能成滿意願。若誦一洛。又得大金剛身。若誦一俱胝。得成遍照尊。」今生得遇此醍醐妙教。逢毒鼓之緣。播金剛之種。經百億劫。不墮惡道。恆遇善友。常不退轉。巨益殊功。筆難盡述。

第二十六 值遇密教章

人身難得。佛法難聞。眞言密乘。尤爲難中之難。若非過去無量劫間。深積無量善根。此法名字。尙不得聞。故寶樓閣經云。「薄福少德衆生。必不聞此陀羅尼名字。况復得見受持讀誦。若有聞見此陀羅尼名者。是人已曾親近恆沙諸佛菩薩。又一切功德莊嚴王經云。「薄福衆生。於其國內。雖有此經。不能得見。」又青龍和尚云。「冒地（卽菩提）非難得。遇此法不易也。」今我等既得人身。又遇難遇之密教。是誠宿植善根之功。德所致。亟宜深自慶幸。倍增信心。以期無上之大果。當知電光朝露之身。人命無常。在呼吸間。時不待人。切勿錯過時機。速速勤修三密妙行。以求卽

身成佛之勝益。不昧已靈。方不負佛祖傳授之深恩也。

第二十七 護持十善章

夫善惡云者。本業瓔珞經云。「順理起心名善。違理起心名惡。」理者顯教名眞如。眞言宗義卽六大體性也。一切諸法皆六大所成。故一如平等。但依因緣現十界差別之相。所現之相各守其分。互不相侵。然論其本性。互圓十界諸德。無有增減。是云平等卽差別差別卽平等之理。亦是曼荼羅境界。亦卽諸法本性之理也。身口意三業順此理而行。是曰十善。自他饒益而爲上轉開悟之因緣。若三業違此理而行。是曰十惡。自他損害而爲生死流轉之因緣。所謂諸法本性之理者非他。自心本具之性德也。是名佛性。十善常順佛性。十惡常背佛性。一切衆生本來各具佛性。爲無明煩惱所覆。不自覺知。故妄造十惡等。搆三界之牢獄。若一旦依內薰外緣之力。開發自心本具之德。止十惡。行十善。則苦患自除。福樂自至。善惡之實義。大抵如此。雖知修善避惡之道。然何者是善。何者是惡乎。當知一切惡十惡攝盡。一切善十善攝盡。佛說十善戒。乃止惡修善唯一之標準。所謂十善者。身三不殺不盜不邪淫。口四不妄言不綺語不兩舌不惡口。意三不貪不嗔不癡。（反是卽是十惡）此十善之善性。如水之冷。火之暖。金石之堅。亘古亘今。不遷不變。是誠一

切衆生本具諸法法然之性戒也。此一切衆生自心本源之金剛性戒。乃萬善能生之根本。佛法修行之基礎也。世間之仁義忠孝從此立。出世之一切善法從此生。善持此戒。保全爲人之道。而登賢聖之地位。乃至成就佛果之萬德。故十善道業經云。「此十善道。一切人天。依之而立。一切聲聞緣覺菩薩之行。一切佛法。咸共依此十善大地而得成就。」眞言密教之中。先授三歸十善。而後入壇受法者。亦此意也。

第二十八 十善助行章

凡眞言行者。發菩提心。而修三密之妙行。期現當二世之利益。但初心行者。凡聖不二之觀解尙淺。差別之迷執尙厚。故須以十善戒助。而三密妙行。易得成就。蓋持十善戒。則三業清淨。三業清淨。故三密易得相應。而妙行增進。直至觀解漸深。則三業所作。一一皆佛作佛業矣。卽身成佛。以此爲根本淨土。往生惟此爲基礎。發大心之行者。勉之勉之。

第二十九 料簡決疑章

問。密教主大日。顯教主釋迦。二佛同乎異乎。台密家主張卽釋迦一佛。以顯密機感見不同。東密家主張二佛永異。其說如何會通。答。東密永異。台密永同。皆一偏之見也。克實論之。其體則同。其

用則異。體同云者。法身應身。同一體性故。且應身卽四法身中之變化法身也。豈有離法身而別有應身乎。用異云者。法身爲自受法樂。應身爲隨他應化。淺深迥別。不可相混也。故可一言以蔽之曰。大日釋迦體同。用異。同而不同。不同而同。

問眞言家之祖承如何。答云云。（詳拙譯眞言宗綱要）

問眞言一家。事教二相。幾多分派。答云云。（詳拙譯眞言宗綱要）

問眞言行者。凡聖不二之安心。總通之義如何。答云云。（詳拙譯眞言安心義章）

問菩提心之義解如何。答云云。（全上）

問信心之義相如何。答云云。（全上）

問印言之功德如何。答云云。（略如拙作十八道祕記）

第二十 高祖恩德章

原夫高祖弘法大師者。大日如來之化身也。振鐵塔之教風。樹眞言之弘範。遂乃期龍華三會之曉。影現百千萬億身。普度法界衆生。肉身留高野樹下。入金剛不壞大定。而往生兜率陀天。侍彌勒慈尊。五十六億餘年之後。必共慈尊下生。於此釋迦已去。彌勒未來。人世無佛之際。大師以三

密加持力。普引衆生。入曼荼海會。誠哉苦海之舟筏。暗夜之明燈。二佛中間之導師也。我等依宿植之深厚。幸遇卽身成佛之妙法。親列高祖大師之門葉。真似盲龜值浮木。窮子遇長者。尤賴大師與曼荼諸尊加持之力。以期早成悉地。是故我等拜大師之尊顏。奉大師之慈言。隨順渴仰。日夜信其深重之誓願。寤寐念其廣大之功德。而精進修行。惕勵奮勉。以圖酬法乳深恩於萬一。普願大衆同發菩提心。同修三密行。速證密嚴土。捷獲遮那身。(完)

以上眞言宗義章三十章。爲日本眞言宗各派聯合法務所編纂局所編述。眞言各大學皆用爲教本。蓋章章皆精要之語也。因亟譯錄。以餉海內學佛者。於此細心研究。足窺眞言宗之宗義。且可增長眞言宗之學識。惟其間有顯密抑揚過甚之處。及台密(天台宗之兼弘密教者)東密(弘法大師之正裔)互辯之點。無關精要者。姑略之。或略加折衷。使義旨圓滿而已。其有已詳於王譯密教綱要及拙譯各書者。本編概從略焉。甲子春。金剛乘弟子顯蔭識於高野大學。

真言密教與中華佛法之關係

係顯蔭

我佛世尊以大悲願力救度衆生。對衆生種種症與以種種藥。使盡除無明之病根。而得法性之真樂。祇以衆生之宿習有厚薄。故其所感見之佛身。有法報應化之不同。其所承聞之教法。亦有顯密偏圓之各異也。釋迦世尊於人道中示生教化人道。通達佛道。首先說三歸五戒八齋十善。以爲人天之基礎。其次說四諦十二因緣六度。以爲出世之模範。應機說法。無非隨他意語耳。所謂隨人天機。說戒善教。隨二乘機。說諦緣教。隨菩薩機。說六度教。是皆曲垂方便。而非世尊度生之的旨也。其的旨。唯何曰。教人成佛而已。成佛之道。唯何曰。真言陀羅尼是矣。蓋歸戒善諦緣諸法門。止能成人天。成二乘。成菩薩。但爲作佛之遠因。而未爲成佛之近因也。唯真言大教。乃法身如來。稱性宣揚三密加持。一真疾顯。爲成佛最要之法門也。故釋迦示跡修行三大阿僧祇劫。直至菩

提樹下。降魔而後。尙未成佛。十方如來。湧現虛空。告以作庵字觀。乃能於十二月八日。明星出時。成無上覺。然則釋尊成佛。示以三祇修行爲遠因。而以真言爲成佛之近因。其理顯然矣。故我人求佛者。戒善諸法門。固不必捨。而真言直接成佛之道。尤不可不知也。所謂真言者。一言含無量義。真語實語如語。不誑語。不異語。言說文字。皆解脫相也。真言行者。口誦真言。手作印契。心觀阿理。身口意三業相應。故得法身如來。三密加持。而速成菩提。故又稱密教。三密加持爲密教。密字之正義。真言成佛之宗。義理精博。余近譯真言宗綱要一書。於世界佛教居士林林刊。按期刊佈。成佛之道。此其嚆矢也。前王弘願居士曾譯密教綱要一書。頗稱完密。學佛者不可不備覽之。茲得日本大僧正浦上隆應之真言宗綱要。尤爲明顯活躍。故重譯之。以爲王譯密教綱要之一助耳。

夫我人之所以刻苦修心者。稍明佛理之人。蓋莫不以成佛爲目的也。然成佛之道。亦多途矣。參禪也。學教也。推窮法性

也。精研法相也。嚴持戒律也。孜孜晨夕。僕僕歲月者。雖皆爲成佛。然仗自力以修行。三祇百劫。佛道之成不成。尙在不可知之數。唯有淨土之九品往生。仗彌陀接引。真言之三密相應。賴遮那加持。則一生取辦。萬無一失也。故諸餘法門。皆是自力修行。其道則曠遠而難達。唯有淨土真言兩宗。爲兼仗他力。其道則穩便而必成。發心修行。期求佛果者。誠不可不加諸意也。

佛法之流入中華也。雖分性相顯密禪教律淨之多途。而其實爲一混合式之佛教也。真言密教。雖未大昌於中華。而中華佛教之流傳。至今日者。皆真言密教攝持之力。關係重大。我人當知所奮矣。考中華佛教之現狀。宗門之禪門日誦。必楞嚴咒大悲咒等爲主要之功課。教門則凡登座說佛。先須誦咒。（如講法華經則先誦陀羅尼品。講楞嚴則先誦楞嚴咒等。）律門則毘尼日用。事事皆列真言。淨土念佛。則以往生淨土陀羅尼爲助。其餘供佛齋僧。種種法事。需用真言者甚多。卽祈福薦亡。佛事之最流行者。莫如經懺水陸餽口。四

明尊者之大悲懺法。流行於東南。水陸儀軌。其結果請聖獻供等。皆以真言爲作用。瑜伽餽口。則密教之一小支流耳。由是觀之。真言密教。雖失傳於中華。而中華之佛教。隨在皆真言密教也。其關係之重且大。爲何如也。所慨者。儀軌之寶典空存。真修之行者罕覩。且楚夏之方言異趣。南北之音韻殊途。隨各地之士語。誦梵文之真言。求其音韻正確者。百千萬人中。恐不得一。故雖終日南無。崇朝揭諦。而以誤傳誤。可笑可憐。是以普通用之真言。皆須較正其讀音。則研究梵文。爲當務之亟矣。而灌頂壇場。護摩佛事。專門真言之法門。亦宜建立。庶幾有速達彼岸之路徑也。

真言宗之由印而中華而日本也。爲印度爲發源。在中華爲過度。在日本爲集其大成。日本密教始祖。乃中華惠果大師之入室弟子也。大師門下。中華之嗣法無人。故金剛胎藏兩部大法。隨遍照金剛而輝耀於扶桑矣。然摩訶毗盧遮那之深慈大悲。豈獨遺於中土。而大師遍照金剛之真風。法雨。豈止被於東瀛耶。蓋將遍法界。盡虛空。而普度衆生。則真言陀

羅宗之大昌於華夏。可無疑義也。中華密教。往昔之所以失傳者。有二故。將來之預卜興隆者。亦有二故。往昔失傳。一者因惠果大師之法脈東流。中華無完全承繼之人。斷續存亡。迷離莫考。此實爲密教失傳之一大原因。二者由於中華佛教徒之畏煩而就簡也。觀於禪宗之所以盛行者。良由一句話頭。無勞廣索也。教海深涉。未免畏難。法相宗之失傳於中土者。職是之故。而真言宗之教理博洽。事相繁密。其修證之途徑。有嚴整之規定。非可雜越。故習之者不多。此亦密教失傳之大原因也。然中華人士。皆大乘根性也。故立地成佛之禪宗。圓頓一乘之天台。賢首各宗。人皆樂道之。惜密教即身成佛之旨。中華未有開宗立教。奕葉而相承耳。若其提倡而發揮之。則此即身成佛。至圓至善之大法。不能大興於神州者。吾不信也。菩提之芽漸長。般若之機將開。此將來可預卜興隆者一也。大勇密林諸公。自東瀛得兩部大法而歸。騰起求法者。又大有人在。則真言宗之法統有承。物極必反。密教之轉衰爲盛。可以預卜者二也。且也日本密教上座權田雷

斧大僧正。有赴華結緣之願。尤見大教之機緣。漸就純熟也。所望海內佛教同仁。羣起注意。燃菩提之燈。建曼陀之幢。闡法身之妙旨。修成佛之玄功。則摩阿毗盧遮那如來。常於自性法界宮殿。宣說妙法。而衆生本具之遮那心王。亦亘古不變。而皆成法喜也。虛空有盡。我願無窮。普度法界諸衆生。同入祕密莊嚴心。

再論真言密教與中華佛法

之關係

顯 蔭

▲關於教相方面的

▲關於行持方面的

▲與度亡佛事的關係

▲與個人社會國家世界的關係

前曾作真言密教與中華佛法之關係一篇。登諸海潮音。然

草草屬稿。殊未罄所懷。因復就其最密切之數大端言之。良由關係之重要。故雖欲不言而不能已於言也。夫佛法雖繁博。而其根本問題。惟在轉迷啓悟。止惡修善。以求離苦得樂。斯爲至要之目的。轉迷情而生信解。攸賴教相。勵真修而求實證。必藉行持。故約佛法之教體言之。大別爲教門與行門。就世人普通之心理。其修行佛法。不外乎望死者之超昇。求生者之福利。故約佛法度世之作用言之。大別爲度亡門與利生門。利生之範圍甚廣。由個人而社會。而國家。而世界。乃至盡虛空遍法界之一切衆生。莫不普及之。方顯佛法之妙用無窮也。故本篇立說於教門。行門。度亡門。利生門。乃至於個人於社會於國家於世界之種種關係。莫不詳述之。尤勝海內之佛學老宿。明眼作家。羣起注意。以匡其不逮。而啓其高深。使中華佛法。以真言密教故。而臻於圓滿美備之地位。則不佞草此篇之微意也。

A, 真言密教於教相上之關係。釋尊應世說法四十餘年。大日弘經。暢演千萬億頌。阿難集三藏之正教。佈於塵寰。金

薩傳兩部之大經。(金剛頂經、大日經)示諸虜世。蓋因正教經法。爲生信入道之根源。拂塵開庫之寶鑰。故諸佛諸祖。不憚煩勞。開示演說之。結集流通之。使大千衆生。皆得啓信。修持。而顯發其本具之靈明也。我輩以宿植善根。得遇正法。於我佛之經教。亟宜研究修持。行證圓滿。庶幾不負己靈。亦以稍報佛恩耳。考佛法之弘傳於印度也。探本窮源。該博圓滿者。當推龍樹爲第一。其他無著護法諸菩薩。應時救弊。要亦不可少者。東流震旦。大乘之教義彌彰。而尋其本源。則除契基之唯識宗外。如天台少室華嚴三論真言各宗。皆祖述龍樹之學說而已。故中華之大乘佛法。唯龍樹爲最有關係。而無著等次之。(無著等惟爲唯識宗之先德。而龍樹菩薩。則爲中華大乘諸宗所通依故也。)中華大乘諸宗。少室宗唯重參禪。不事言說。闡教談玄。當以天台華嚴三論唯識四家爲最美備。四家大乘。皆宗承於印度。可無異說。但各宗之學者。多囿於門戶知見。入主出奴。有之。是自非他者有之。殊不知佛法圓融。中邊皆甜。耳齒足尾。皆是象體。切不可執

一而廢諸也。余每鑒於諸宗學者之分道揚鱗而愈趨愈遠也。恆思融會各家之義旨。以達於純一圓滿之地位。庶幾淨論永息。而正智速顯。豈知千數百年前。日本之密教開祖引法大師。已言之詳矣。大師之言。唯何祕密曼荼羅十住心論是矣。其立說之綱格。由世間而出世。由小乘而大乘。由法相而法性。由遮表而不二。由顯露而祕密。步驟井然。次第不紊。其中義理。祕妙繁富。若非洞達四家大乘之真髓。則引法大師之學說。誠未易明瞭也。蓋引法大師六大無礙。卽身成佛之妙旨。實由天台之一念三千。華嚴之事事無礙。演進而達最妙之程度。三千妙諦。事事無碍之義愈明。則六大緣起。卽身成佛之旨亦愈顯。卽身成佛之旨愈明。則事事無碍之理亦愈彰。相因相成。其妙趣有難以盡宣者。故四家大乘。以真言密教而愈彰。勝妙真言密教。以四家大乘而彌顯。高深若其顯教未能博達。而遽窺密藏。誠恐迷文失旨。是賴好學深思之士。亟起而闡揚之。庶大日之光。遍明於華夏耳。嗚呼。今之學佛者。唯識三論。著二空八不之名言。天台華嚴。墮八教

五教之教綱。若其徒鑽故紙。何由啓發。正知惟有以真言密教祕中極祕之眼光（佛眼佛知見）以觀之。則一一法門。皆法身如來一門普門之三味道也。人天二乘。皆顯正法。况四家大乘乎。故唯識法相。卽大慈彌勒之三味道也。（如楞嚴經。彌勒以唯識入圓通）三論法性。卽大智文殊之三味道也。（八不離戲論）法華卽大悲觀音之三味道也。（天台大師解法華。獨詳普門品。其意可深思）華嚴卽大行普賢之三味道也。（華嚴以普賢爲長子。其故可知）四家大乘。以真言陀羅尼宗之殊勝。效力而融會之。乃能盡四家大乘之能事。（此乃四家本具之能事。但因學者多迷。故須以佛眼佛知見而教詔之耳）觀於樊基兩大師。皆上升兜率。親見彌勒者也。故學唯識者。當學其親見彌勒爲要務。不可徒於故紙堆中討生活也。天台智者大師。親證法華三昧者也。故學天台者。當學其親證三昧。慎勿爲一部四教儀而誤。盡大事也。（餘宗準知）文殊彌勒觀音普賢諸菩薩之。三昧法門。具如密藏經軌。各宗之觀行法則。密藏中皆有之。

但各宗或偏重言說，唯真言宗則專重行證耳。學教者欲免算沙之誚，而抱獲寶之目的者，亟宜於真言經軌而加意修持矣。卽淨土往生，或參禪持律，亦皆賴真言教力而方能圓滿成就。研究楞嚴者於神咒之功能，當必知之已審，無待贅述矣。

台賢真言諸家，雖皆祖承於龍樹，而弘法大師尤爲得龍樹之心傳。就龍樹個人之歷史言之，上至天上下迄龍宮，窮世間所有之佛法，而後南天鐵塔，得受祕密之大法，則龍樹畢身之所學，當以真言爲最高深，可無疑議。龍樹而後，法王之印璽，嫡相傳。至弘法大師，其間僅隔四五代，而弘法大師之立教開宗，一依龍樹，且融會四家大乘而一貫之，尤爲精審。故龍樹之法義，彌可信，則大師之學說，彌足珍也。且弘法大師，乃大唐青龍寺惠果和尚之入室弟子也。惠果深器重之，罄其心傳，而大師尤邃於漢文學，故能深入惠果之堂奧，而集其大成。然則大師之所傳，皆中華佛法之最精純者也。我中華佛弟子，允宜精修大師之教義，以重光於華夏誠度。

衆生報佛恩之一段大事因緣也。余之爲此言也，非無所見而云然。蓋深究大師之教義，而彌覺契心，故言之不憚辭費也。惜大師之著述，我中華人士罕見之，卽或見之，非於大乘佛法深有根底者，尤難一見便了也。故余擬網羅密藏，揭發祕詮，作祕密十住心明綱論一篇，以爲學佛者入密之前驅。但今在加行中，佛事忙碌，不能從容於筆硯，故未能卽時脫稿耳。

梵文者佛法之根本也。佛化時代所用之悉曇文，印度今已無之，而日本之真言宗徒，猶相承未替也。今欲見梵文佛經之原形，及梵文文法之結構，必入真言門，方可畢其能事。日本之梵文悉曇家，皆依中華之著述，可慨者，中華古德之佛化精神，中華佛弟子，不能保存之。今欲光復舊業，而發明梵文聲字實相之精義，豈非學佛者當務之急。此余所以有梵文寶鑰之作也。抑又有進者，中華本部各省，密教雖久失傳，而藏蒙各部，猶相承未失也。藏蒙皆中華之領土，故藏蒙之佛法，皆中華之佛法也。我漢族佛教徒，能極其長而補其短。

以使中華民族之佛法統一圓滿。是誠中華佛教之光也。是尤賴眞言密教之力也。是尤望青年有爲之佛教同仁共爲努力也。

B、於修持方面之關係。教理通明方能識行證之階漸。行證究竟乃克契教理之肝心。教目行足徜徉於菩提之大道。自必達如來之寶所。此佛法修行之最要關鍵也。中華大乘諸家莫不解行一致。禪宗妙悟如達磨猶不懈面壁之行。天台華嚴則重在觀心淨土律門。尤切於行持。各宗樹範莫不。同然。可慨降及後世。流弊叢生。習教者不解觀心。只知說食數寶。是曾何濟於飢貧。參禪者唾棄佛語。不免落坎墮坑。誠恐徒勞乎歧路。奇重奇輕。而不能調劑於平。乃學佛者之大患也。惟眞言密教。教事不稍偏倚。解行歸於一致。教義則圓滿究竟。而一切該羅。事行則繁密精嚴。而不少雜亂。有相之善提得之於一念。無上之悉地。期之於卽身。有卽事而眞之妙。無備侗顛預之疵。顯教以一心利刀而斬除煩惱。密教則以三密金剛而速顯靈明。顯教惟藉自力。密教則攝三方以

齊行。我功德力、佛加持方、法界無碍力、顯教大乘。以大白牛車爲最上密教。則駕神通寶輅而飛昇。其安危運速。利鈍淺深之殊。洞明佛理者當自知之。我華佛教各宗。解行並進者。雖不乏其人。然亦有眞發道心。而知解錯謬。遺誤畢世者。亦有理解雖精。而行持欠缺。終難取證者。禪堂之過冬打七。勤行可敬。然直破本參者幾何人。律門之開壇傳戒。弘範可觀。然嚴守毗尼者幾何人。如人飲水。冷暖自知之耳。眞言宗徒。於灌頂以前。須加行八百餘日。最略亦須二三百日。方許入壇行道。其入門之初。已嚴格如此。既得入壇矣。欲求現世之悉地。則三時之勤行。不能稍懈。用力多則成功高。發勝解而修妙行。必能證無上菩提之樂果。蓋有不期然而然者。天台宗徒。欲速淨六根。華嚴學者。欲速入法界。唯識家欲速顯二空。三論家欲疾證八不。淨土家欲見佛脫苦。參禪者欲見性明心。其各依眞言經軌而修行。必能成滿所願。可操券也。眞言宗徒。修行之初。須受三昧耶佛戒。一戒一切戒。是尤較勝於律宗之三乘戒法也。蓋他宗之解行。皆依因分

可說。惟真言密教。則惟依法身如來之果德。事事皆取法乎上。而尤能該攝一切宗也。古語云。取法乎上。僅得乎中。取法於中。僅得乎下。我發大心。修大行之佛教。同仁。若非爲人天福報。而惟期無上菩提者。曷各明辨勝劣。而取法乎上也。

真言宗表德實相之秘旨。尤非淺學所能窺。且有誤解而陷入邪道者。故欲入真言門。須先研究諸家大乘。而後入密。庶不致誤。觀於密乘諸祖師。莫不性相兼通。顯密雙美。後學者深思之。真言行法。事事皆須師承。以昭鄭重。真言行者。須歸明眼博學之阿闍梨。而修學之。庶幾行法有軌範。而速獲法王之妙寶矣。期成佛道者。其勉旃。

C。與度亡佛事之關係。普通人士之信仰佛法。非必盡人能知佛法之真義也。但人云亦云而已。欲思超度祖先。追薦亡者。不得不籍三寶之光明。因而度亡佛事。乃爲社會上大宗之流行品矣。（日本方面亦同）爲人子者。欲慰其過去祖先之陰靈。而作佛事功德以超拔之。是誠孝子仁人之心。中華現在盛行之佛事。其最著者。莫如經懺與餼口水陸。

再論真言密教與中華佛法之關係

其中皆依梵文真言三密觀念爲作用。故其功力至偉。然時至今日。梵音久已失傳。觀念亦等具文。修行佛事者。大率類於酬應。不諳梵調。訛爲謳歌。徒欺生人之耳目。何裨死者之色心。既昧自利利他之旨。復何弘法濟世可言。以戒行失修。佛法不明之應赴僧。自度未能。云何能超度亡者耶。故關於種種佛事。尤必仰賴於真言密教之殊勝教力。與其完美之規模。考真言密教之流行於日本也。弘法大師開創之高野山。邦人士皆視爲法身如來之淨土。故全國之富家大族。其祖塋皆建立於茲山。以求法佛三密加持之力。而速得往生於極樂。其意甚善。真言宗大阿闍梨之行法。全用金剛三密之玄功。加持一切衆生。悉令捨惡向善。而離苦得樂。故其超度之功。尤勝阿闍梨作法念誦時。口誦真言。宣如來之密勅也。手作印契。行法佛之威儀也。意緣法界。住法佛之三摩地也。故行者之身。卽同佛身。自身功德之力。遍滿法界。諸佛慈悲之力。亦遍法界。而所度亡者之色心。亦遍滿法界。是以不動本處而亡者。便蒙超濟。或亡者墮在惡趣。則使之離苦得

樂或亡者生在善道。以真言之力，亦能愈增法樂。身口意業之三密，瑜伽復藉自他法界之通力，融通自必能施。如是大功德也。世之人欲求祖先昇度，眷屬壽康，其必依高明之阿闍梨而成滿所願也。觀於日本真言宗之信徒，即以高野山古義之一派論之，已達一千七百萬，（日本國民五千萬，其中真正之真言宗徒，達全數五分之一）之多。弘傳如斯，豈無故哉。現在中華社會上流行之佛事，其中所有梵文真言，皆須妥爲修正，而修行之軌範，尤須善加改良。（日本風俗對於超度亡者之大德僧伽，非常恭敬，愈於師保，中華人士之對待應赴僧，固何如者）庶幾挽澆風而扶正教，啓真信而建殊功，實爲必要之圖。是賴好學有志者亟起而圖之。D、與利生事業之關係。佛法如意寶，隨願得成就，真言經咒之奇驗，求富貴得富貴，求長壽得長壽，求兒女得兒女，乃至求無上菩提者，便得無上菩提。其所以能具如是妙用者，則淨菩提心之力也。真言行者無論在家出家，皆須發決定成佛之大菩提心，而三密妙行，尤須持十善戒，清淨三業爲

必要之基礎。禍福無門，惟人自召。善惡之報，如影隨形。既修善行，必獲善報，福壽利祿，不求而至而自至，而况以大日慈尊之佛光加被。現在則受勝妙樂，將來則成大菩提。其福德利益，誠非筆舌之所能盡也。若能勵行十善勤修三密於個人，則保全人格而克證佛果於社會，則風俗淳美而物阜民康於國家，則上者垂拱而治，下者鼓腹而歌，自能期真自治，真共和之實現於世界，則仁慈之道化，既張鐵血之慘禍，自息。必可達真平等真大同之目的。佛法在人道中設教，必以五戒十善清淨三業爲根本之圖。若其捨此而虛炫高妙，何裨於世道人心。故真言法中，以十善爲根本，以三密爲修持，尤爲契佛法自利利他之深旨。十善教雖不限於真言，而真言密教則惟以十善爲重要故也。且真言法門有敬愛有息災有降伏有增益（詳王譯密教綱要）皆利國福民，鎮護國家之妙法也。試觀日本自神武天皇以至今日，成二千五百餘年大一統之國家，國勢之盛，方興未艾。昔元世祖東征，日本朝野皆修降伏惡魔之真言秘法，故元軍雖強，終不能得

扶桑寸土也。(此說尙待考實)今我中華欲成完全統一之真共和國。其必以真言十善之化而普及之。方克有效。欲舉世人羣。皆得和平安寧之幸福。亦必以十善之化爲重要也。善提心論云「初願行者爲修習之人。當懷如是心。我當利益安樂。無餘有情界。觀十方含識。猶如己身。」故真言行者。每座行法。皆須回向國家安全。世界和平。乃至法界衆生。平等利益。其願力之弘大。効益之迅速。詢有不可思議者。我中華佛教同仁。曷各羣起修習。灌頂沐五智之水。斷惑證真。投花登兩界之壇。卽身成佛。嘗大海之鹹味。未爲幽玄。獲龍宮之摩尼。方稱妙手。菩提心王。卽在方寸之間。理蓮智月。不出肉團之外。當體全真。無勞遠求。同發無上大道。心同成。清淨最正覺。

刻在加行中佛事忙碌。故草草屬稿。有未能盡當之處。願諸仁者賜教爲盼。五月二十五日。作者附識。

眞言宗釋疑

顯隆述於日本高野大學

原夫眞言陀羅尼宗者。是一切如來秘奧之教。自覺聖智。修證法門。依法身如來眞實法爾之言以建立。故曰眞言。又曰密教者。仗法身如來身口意三密加持。必得卽身成佛之勝利也。法佛三密。非等覺十地之所知。故稱秘密。秘密云者。秘妙周密之義。(有衆生秘密如來秘密種種精義具如密藏)非秘而不可告人之謂也。此義最當先知。故眞言密教之唯一宗旨。唯在卽身成佛四字。除卽身成佛外。餘皆贖義。此宗發源於印度。過渡於中華。至日本而集其大成。常慨中華古哲於眞宗教義。鮮有研究而闡發之。故此卽身成佛之妙教。未能甚弘於中土。惠果而後。法儀韜光。不待明帝詔禁開壇。而卽身成佛之宗。早已獅絃絕響矣。茲者佛日重光。慧燈再耀。可知毘廬遮那佛之深慈大悲。亘三世而靡窮。遍十方而無量也。然我中華以密學久絕之故。學佛者對之多有懷

疑之點。茲讀佛化中曉屏居士所疑各條。對此懷疑者。當不止曉屏居士一人也。因不揣淺陋。於百忙中。略陳管見。以供信仰密教及懷疑者之探討焉。余於此文之端。當鄭重聲明曰。真言密教之宗旨。唯在卽身成佛四字。除此以外。皆非正義。閱者當先瞭明此意。然後於曉屏居士所疑各條。自易了釋矣。

A 釋灌頂之疑。真言密教之初步要門。第一大事。卽爲灌頂。故先須明灌頂之意義。夫入壇灌頂者。佛佛道同之軌。則顯密佛法之極意也。以法佛五智之水。灌浴衆生之頂法爾。具足三摩耶戒。無量無邊微塵數戒品。故能不轉凡身直登大日覺皇之位。良以諸佛覺體不離衆生心地。一切衆生於心質中。有一分淨性。開發顯露。當體成佛。故灌頂之要。卽是開發本有淨心之第一步。淨心既發。覺已自然。具無量戒品。遠離惡因。便超惡果。此因果之正理也。雖十惡五逆。一受灌頂。而無始來生死罪惡皆盡。故成清淨法器者。實由灌頂之殊勝功能。故開發淨心。具足戒品。則罪惡之業。因既盡。罪業

之報果。自亡而精進修行。必有成佛之希望。故曰。卽成清淨法器也。至於三世因果之理。尤爲佛法中一定不移之鐵案。豈苦行之高僧所能倖免。卽如釋迦牟尼佛成無上菩提。尙須酬宿世之報。（如金鎗刺足等詳內典）孰謂因果無權哉。又受苦報有二義。一者未出生死。在凡夫道中。酬宿世報則苦。中之苦。無所逃越。二者已證聖果。還酬宿世之報。卽樂中微苦。苦卽無苦。喻如貧人欠債。償報維艱。一旦而成巨富。則酬償昔日所欠之債。自不覺艱苦矣。又因果報應之業力。從強而牽。惡業強則被惡趣所牽。道力強則爲佛所護。念受灌頂者。能罪盡而成器者。職此之由也。灌頂可以免罪。夫造罪之因。必不遭惡果之報。此理勢所必然。無足疑者。又能投花入曼荼羅。可知其宿植善根本之深矣。既遇成佛之因。將來必受成佛之果。顯教尙云。以花供養佛。皆已成佛道。（出法華）况至尊無上。法佛自證之真言法教耶。譬如金丹妙藥。能療沉疴。而具起死回生之偉力。此真言妙教。亦復如是。故能滅罪而生善。此義甚著。夫復何疑。若執以因果之例者。

淨土宗帶業往生。迴超苦趣。亦豈破壞因果例乎。又若謂惡因既造。惡果定不能免者。我等自無始劫來。所造惡業衆矣。前途茫茫。將何所措其手足。且何以啓惡者自新之路乎。當知法力殊勝。自具滅罪之功。衆罪如霜露。慧日能消除。然則灌頂滅罪之功。殆無所用其狐疑矣。苦行見諦之高僧。不知灌頂者。夫真言大教。非宿植善根。緣深福重者。何能易聞。薄福之人。於百千萬億劫中。於真言名字。尙不能聞。况法佛內證之真言妙旨。十地等覺不能窺見。豈見諦之高僧。便能知之。而行之。何言之易耶。然近世之真言密教。固皆爲凡夫說者。復何限於等覺以上耶。曰。此全賴佛法加持之力。亦我輩宿植善根之所致。若善根淺薄者。不得遇而聞之。或卽遇之。亦未必生信也。嗚呼。學佛者如牛毛。得真言法益者如麟角。我儕宜若何誦信勿疑。而躋於卽身成佛之大利耶。

又耶教洗禮。未可以爲例。耶教但有迷信之事法。而乏圓滿之義理。密教則事事皆具玄奧。塵塵各顯真常。豈彼耶教之所能窺其萬一者乎。淺深迥別。真假懸殊。殆不可同年而語。

也。明珠魚目。不可不知。又時哲或謂耶穌於青年或嘗遊學於印度者。故其終教上之儀式。多與佛教諧合。此說不知確否。然佛教與耶教。淺深真妄。有識者已言之鑿鑿。無勞不佞之多費筆舌矣。又密教灌頂。乃是開顯自心。曼荼羅本具。恆河沙功德。並非後起變本之意。此義尤不可不知。自心本具之恆河沙功德。從本以來。住於本不生際。在聖不增。在凡不減。法爾當恆。故非昨日死而今日生也。是尤不可不知也。湯銘所謂日新又新。其義詢善。然何從日新。如何日新。則未罄其旨。惟日密教灌頂。法爾具無量戒品。止惡修善。是之謂究竟之日新。開顯本有之淨菩提心。是之謂究竟之又新。菩提者覺也。以覺因感覺果。以爲成佛之法器。復何因果不符之疑哉。至於密教灌頂之甚深法義。片言不能暢其旨。具如拙譯之真言宗義章。

B 釋設像之疑。密教卽事而真。法法皆是法界。故土木形像。不異真佛。此所以尤重事相也。考密教之設像。以金剛胎藏兩部曼荼羅之總體爲本。所謂金剛界之三十七尊。與胎

藏界之十三大院也。其中所列形像。不出三種身。一曰自性輪身。端好莊嚴之佛相是也。二曰正法輪身。柔和慈悲之菩薩相也。三曰教令輪身。忿怒可畏之明王相也。（如不動明王。住火生三昧。燃燒一切煩惱畏魔。）除此以外。皆非密教正意所應有者矣。密壇最上層。佛公佛母。而彌陀反居下者。此或是理趣經十七段曼荼羅之一段乎。（佛公佛母其天女形乎）誠不能以此該密教之全部也。密教之供像。具如兩部曼荼羅。欲知其詳。可研究之。慎勿以道聽塗說。而障蔽信心。則幸甚矣。密教之教理。縝密事相。嚴重其規模。之整肅與立義之周至。迥非局外人所能知也。然亦有不明教理而謬修事相者。如西藏之左道密教。（西藏密教分左道右道左道邪右道正也）爲日本之立川邪流。（前數百年有此邪流）皆是也。是以不明密義之故。誤認定慧不二之美名。變成男女交合之怪相也。豈不哀哉。（西藏之左道密教爲道家修煉之祖源。道家修煉不過左道中之餘睡而已。日本立川邪流則以男女赤白二滯合金胎之兩部其謬妄尤不

可以言說盡也。）至於日本之正道密教。如弘法大師與教大師等。考其著作及儀軌。並皆精嚴美妙。舍卽身成佛。而外無他道也。此尤不可不知者也。至於北京雍和宮爲密教之道場。然其爲左道右道。則未之深考。其中所有形像。究屬出於何經何軌。惜亦不能盡悉。姑待他日博考密藏。必有以改鄭君之惑也。至於裸體形像。並非誨淫。蓋熱帶之地。風俗與中夏不同。卽以歐美書籍中。亦常有裸體之畫像。不足怪也。又密教最重事相。故入壇行道。必香湯沐浴。清淨無垢。方可少有不周。便獲罪譴。至於男女淫欲。尤所深戒。如弘法大師再遺告文云。遙退惡緣。堅誓女犯。生死流轉之本因。佛法破滅之根源。云云。炯戒明文。煌煌在目。夫復何疑。密教既卽身成佛爲期。豈有作淫欲禽獸之行。而能望清淨菩提之果者。不待智者而能判其是非之所在矣。密教表德實相。以大噴徐噴。以大貪除貪。是須精密藏經書。方能窺其玄奧。非片言隻字能盡其深旨者矣。

C 釋咒術之疑。夫真言密教之正統。以法身大日如來所

說之大日經金剛頂經等爲所依除之外。雜部所攝非正宗所取也。欲知真言之妙不可不研究大日疏等。隨阿闍黎學梵文真言法爾聲字實相妙義字字皆得道之源字字皆成佛之母也。其如弘法大師聲字實相義欽心真言密教者其注意及之。又咒術神通乃西天外道固有之技能千餘年前印度宗教家（不限佛教）之能捫摸日月吞吐風雲無足爲怪。順彼凡情密教中亦有是義。此所謂正人說邪法邪法亦成正也。若誤解密教之旨則無上醍醐反成鴆毒。此所謂邪人說正法正法亦成邪也。邪正在人於法本無取捨然我儕欲求成佛而發心學密者正統之兩部曼荼羅已足得道而有餘。復何必涉雜部之一偶而搭法王之大寶哉。或者疑曰真言密教侈談即身成佛義固亦有誠証之事實足以令人生信耶。又既即身成佛矣則密宗諸祖師皆佛矣何釋迦而後未聞數數有新佛出世耶。曰是義誠然。今且先引明証次示深詮。使咸悟密藏甚深之旨也。昔弘法大師（爲大日如來之等流身）之入唐求法而歸朝也大唱即身

成佛之旨。諸宗之大德未能盡服。議論紛紛。大師乃于內殿南面向結智拳印而門忽開成金色之毗盧遮那佛毫光四射於是帝王卿相乃至各宗宗匠莫不頂禮歎服於是即身成佛之密教乃大昌於東瀛。惜我震旦罕有如弘法大師之造詣之深。雖唐時此宗盛行亦不過爲鎮護國家消災祈禳而已。至元時則由蒙族入主中國蒙古之喇嘛左道之密教乎。抑右道之密教乎。不佞未及深考不敢臆斷。然其宗旨決不如弘法大師即身成佛義之圓滿。則不然也。若密教而不以成佛爲宗旨則忘失菩提身其罪甚於十惡五逆也。種種妖妄誠爲密教之罪人。所謂獅身中蟲也。密教云乎哉。成佛云乎哉。茲有最可注意之一事。即今蒙古有喇嘛僧十餘人來高野山留學有三年之約。此事誠足使人注目。益可證藏密教決不如弘法大師即身成佛義之精且備也。不然何必捨其所學而重洋遠涉爲哉。深望佛教同仁於即身成佛之旨。其三注意焉。

即身成佛之義。圓融美備。非尺幅之所能述。其萬一須先知

天台宗六卽之義與真言密教理具加持顯得之三種成佛義。然後詳究弘法大師所著之卽身成佛義一書。則羣疑自釋矣。拙譯之真言宗綱要中略示斯義。茲爲時間所限（刻在加行中不克多事筆墨）未能悉暢所懷爲歉。所望旁微偶反而心領神會也。

且曉屏居士志在卽淺近之事以達高明之理。尤適於真言密教卽事而真之旨。若能按部就班將密教教相細細尋釋則醍醐法味獲益自多。至於研究之次第詳拙作之佛乘修學次第論茲不具書。

密教修學之次第以弘法大師之十住心論爲最詳盡。然十住心論中前九住心皆顯教也。故欲知密教之精義不可不先通顯教各宗。古來密祖諸大德莫不洞明性相了悟有空方能於密乘有所領會也。若其顯教未盡明了。遽而閱密教法門。則其駭人之處甚多。當不止爲鄭君所指之三條而已也。若密教中以華嚴法華爲權教。法相法性爲未了。皆至可駭人之論也。若不深涉顯教之範圍。何以窺密乘之堂奧。我

中華人士多憚於博覽而喜以一二佛語爲口頭禪。此大病也。若不以密教繁密之教理事相而救之。殆無從喚醒其沉夢也。所望發大心之開士僉注意於成佛決定之菩提心。而勿爲儻倜淺略所誤。則庶乎其可。

上海圖書館藏書



S541 212 0016 45448

世界佛教居士林林務大綱

(一)宗旨 集合信仰佛教民衆研習佛法自利利人並
本國民革命之精神實行大乘之教義輔助建設社會事
業隨力舉辦慈善協濟等事項

(二)林址 開北新公路國慶路口

(三)林務 (甲)文化部 1學校 2平民識字補
習所 3孤兒教養院 4圖書館 (乙)宣傳部

1演講會 2研究會 3出版處 4流通處 (丙)
慈善部 1醫院 2施診給藥處 3平民工藝廠

4災賑協會 5放生會 6公墓 (丁)修持部

1皈依處 2禪定室 3蓮社 4茶毘場 (戊)
總務部 1林友處 2收支處 3會計處 4文

牘處 5交際處 6庶務處

(四)設備 佛殿 演法堂 祿位室 蓮位室 第一
小學 施診給藥處 圖書館 流通處 藏經室 紀

念室 念佛堂 舍利室 禪定室 靜修室

(五)林友 (甲)普通林友 每半年至少繳納林費

洋一元 (乙)贊助林友一次繳納林費洋三十元以
上者 凡志誠修行欲入本林而無力繳納林費者由本
林理事會通過得准予免費

(六)收款 一切收款均由收支處填給正式收據為憑
捐款指定用途者決不移作他用

(七)附則 各界善信蒞臨本林聞法念佛或參觀者概
所歡迎惟遇必要時得僅以本林林友為限

民國十三年七月初版
民國十八年十月再版

真言宗義章 一冊

每冊定價大洋一角

譯述者 顯蔭法師

出版者 上海開北新公路
世界佛教居士林

發行者 暫附設世界佛教居士林內
佛學書局

印刷者 國光書局

上海南成都路新大沽路口六七一
電話三三七四三號

215

1614

上海舊書庵

冊數
價銀 0.20